

醫學指要

醫學指要卷之

論治要畧

夫醫之治病猶匙之開鎖也方法不一而但知其所因直取其本易開者應手卽開卽不易開者亦必漸坤漸開不得其竅混加敲擊則鎖且爲之壞矣經曰治病必求其本本者病源也又曰高者抑之下者舉之溫者清之清者溫之散者收之抑者散之燥者潤之急者緩之堅者與之脆者堅之衰者補之強者瀉之佐以所利和以所宜各安其氣必清必靜則病氣衰去歸其所宗此治之大體使不知

強衰高下之源何以施補瀉抑舉之治此本之所以不可不求也願本一也而病有萬一病有其本萬病莫不各有其本萬病之本只此表裏寒熱虛定六字明此六者萬病皆指諸掌矣以表言之則風寒暑濕燥火感於外者是也以裏言之則七情勞慾飲食傷於內者是也寒者陰之類也或爲內寒或爲外寒寒者多虛熱者陽之類也或爲內熱或爲外熱熱者多實虛者正氣不足也內出之病多不足寔者邪氣有餘也外入之病多有餘邪氣寔則當瀉正氣虛則當補六者之中又以虛寔通貫乎表裡寒熱而欲

知六者之因則惟求之於脉大法以浮沉分表裏以遲數
定寒熱以有力無力辨虛實則大本得而思過半矣大抵
審病如量敵知彼知己則百戰操乎百勝用藥如將兵必
精必簡則少許勝乎多許病有萬變度之以不變之心藥
無陳方叅之以推陳之義心要靈手要活病情要認得真藥
性要記得熟毋拘偏見毋執兩端洞燭乎陰陽深明乎氣
血何難澄澈於標本之義以消息乎死生之機景岳曰醫
有慧眼眼在局外醫有慧心心在兆前又曰萬事不能外
乎理而醫之於理爲尤切學醫者其亦先明乎理以漸幾

醫學辨要卷之二
於有慧眼有慧心則醫也而仙矣所謂大醫王不在是耶
有心者其爲斯世斯人計而無狃於俗無安於近庶疾痛
慘呼之輩皆得賴以安全功孰大焉

傷風傷寒辨

汪訥菴

傷寒鬱而後能發熱傷風卽能發熱傷寒無汗傷風有汗
傷寒無涕傷風有涕傷寒手足微厥傷風手足皆溫傷寒
脉緊傷風脉緩

傷寒瘟疫辨

傷寒症脉非浮卽沉分表裡也至疫症邪在膜原半表半

裡之間故脈不浮不沉而數所謂中候也傷寒在太陽則惡寒在陽明則惡熱在少陽則寒熱往來喜嘔瘕症初起亦覺惡寒發熱後則但惡熱不惡寒矣然必作渴溲飲熱甚則喜飲冷此寒疫外症之分也

傷寒分陰陽訣

浮屬三陽太陽浮緊陽明浮緊而洪長少陽則浮而絳法當汗吐下沉屬三陰太陰沉遲少陰沉細厥陰沉絃大法當溫

傷寒主治

凡治傷寒自當先知經絡次序如一日太陽二日陽明三日少陽四日太陰五日少陰六日厥陰爲六日經盡之義然此特傳經之大概也蓋病有不同症有多變又不可以一定之法拘之其症有自太陽始日傳一經六日至厥陰邪氣衰不傳而愈者亦有不能再傳者有間經而傳者有傳至二三經而止者有終始只在一經者有越經而傳者有自少陽陽明而入者有初入太陽不作鬱熱便入少陰而成真陰症者有二陽三陽合病者有一經病未盡又過一經而併病者有陰陽兩感者豈可不知通變而執一二

日發表三四日和解五六日宜下之論以誤人乎仲景曰
日數雖多但見表症而脉浮緊者猶宜汗之日數雖少但
見裏症而脉沉寔者卽宜下之可知傷寒治法不可拘泥
見症治症定之以脉或汗之或吐之或下之或和之或補
之辨其陰陽察其虛實酌邪氣之淺深量正氣之強弱隨
症緩急標本得宜則病無不舉矣學者苟善會仲景之意
而不爲俗尙所拘則治傷寒其無難乎今擇仲景及諸家
最正最當之法合爲傷寒主治

太陽經

太陽爲病脉浮緊頭項強痛而惡寒發熱無汗

此係太陽表症麻黃湯主之 脈浮緩頭項強痛而惡風
發熱有汗此係太陽中風症桂枝湯主之 如脈浮緊發
熱惡寒不汗出而煩躁者此爲風寒兩傷之症有寒故無
汗有風故煩躁以大青龍湯主之若脈浮緩身不痛但乍
有輕時無少陰症者亦以大青龍湯發之發汗後其人又
手自冒心下悸欲得按者桂枝甘草湯主之若煩躁脈微
弱汗自出者則係少陰煩躁當溫固之快服青龍必致亡
陽凡發汗太過心悸頭眩振振欲墜地亡陽之象也輕則
以桂枝甘草湯治之甚則以真武湯救之 汗後臍下悸

者欲作奔豚也。茯苓桂枝甘草大棗湯治之。服桂枝湯汗後形似瘧，一日再發者，宜桂枝二麻黃一湯主之。如發執惡寒，熱多寒少，脈微者，不可發汗，宜桂枝二越婢一湯。如無大熱，口渴，渴心煩，皆微惡寒者，白虎加人參湯主之。凡傷寒發汗已解，半日許復煩，脈數者可更發汗，宜桂枝湯。傷寒表不解，心下有水氣，乾嘔，發熱而嗽，或渴或痢，或噎，或小便不利，少腹滿，或喘者，小青龍湯主之。若表已解，則係五苓散症。如胃有實邪，快也，欲吐吐不出，或吐不盡者，仲景以梔子豉湯、瓜蒂散吐之，其法雖妙。

但胃虛者恐非所宜不若以燒鹽探吐之法爲最妙其法

用銹刀一把放於火上用鹽一撮炒焦沖茶服卽吐不吐

以手指探喉中卽吐 凡有下症必待表和然後可下若

微有惡寒身痛者仍當先清其表 發汗後又下之病仍

不解虛煩者茯苓四逆湯主之 如脈結代心中悸虛故

也炙甘草湯主之 如二三日後心中悸而煩者小建中

湯主之 發汗後身疼痛脈沉遲桂枝新加湯主之不應

恐邪入裏當溫之 如至六七日表症仍在脈沉結身黃

不結胃少腹硬滿小便當不利今反自利其人發狂乃癱

熱結於下焦蓄血故也宜抵當湯下之輕則用桃仁承氣湯下之凡汗後病不解反惡寒者虛故也芍藥甘草附子湯主之下後復汗日後煩不得眠夜則安靜不嘔不渴無表症脈沉微身無大熱者乾薑附子湯主之服桂枝湯或下之翁翁發熱無汗心下滿微痛小便不利者桂枝湯去桂加茯苓白朮湯主之如吐後下後心中逆滿氣上冲脘起則頭眩脈沉緊身振振搖者茯苓桂枝白朮甘草湯主之大下後復發汗心下痞惡寒者表未盡也已係下早不可再攻其痞仍當解表表解乃可攻裏解表

宜桂枝湯攻痞宜小承氣湯 凡下後痞應去下後反痞
則其悞下可知此氣痞也急當調理脾胃爲主若表尙有
餘邪不得不以桂枝湯和解之若表邪已盡則宜以五味
異功散六君子湯或香砂六君子湯調之如內有熱邪則
以小陷胷湯治之最爲妥當 汗後下後胷中痞仲景以
瀉心等湯治之其法難用用之不當反致悞人不若景岳
外治之法最妙其法用生薑半斤蔥半斤萊菔子四兩同
搗爛以淨鍋炒熟用布數層分作兩色往來換熨如太熱
多隔布幾層毋傷皮肉此極妙法也凡汗吐下後但覺胷

腹脹滿痞悶虛寒皆可用之 太陽病二三日不見陽明
少陽症者為不傳脈靜者亦不傳 太陽病脈浮緊發熱
身無汗自衄者俗謂紅汗經通而邪欲散也若不發汗致
衄者麻黃湯主之若發汗頭痛者必衄宜桂枝湯寒氣不
甚者易以柴葛之類亦可 太陽病外病未除而數下之
必協熱而利利下不止心下痞硬表裡不解者桂枝人參
湯主之

陽明經 陽明為病脈浮緊洪長眉稜痛身熱鼻乾無汗
此係陽明表症為根湯主之 如惡熱口大渴思飲冷此

陽明熱症白虎湯主之 如已汗潮熱不大便胸中悶或
發狂此陽明裡症三承氣湯酌治之 如結胃下症已見
必待表和方可下之吐下後胃中冷不能食飲水則噦因
其人素本胃寒陽邪去則寒見矣以理中湯或加丁香吳
萸溫降之 陽明症大便秘當下其人氣血本虛下之則
脫不下則邪不去當用導法其法以密熬老捻成手指粗
條子蘸溫水輕輕送入肛門聽其自化或以豬胆一個口
上用細竹筒插入以線纏之將竹筒蘸油送入肛門以手
捻胆令其汁入大腸則結糞自下矣 傷寒已傳陽明尚

有太陽表症欲再表者仍以桂枝湯治之汗仍不出惡寒而喘者仍用麻黃湯得汗卽止如熱甚吐衄葯中加烏梅以安之如內外俱熱狂躁大渴發斑者宜白虎湯或加人參如係外邪陽毒不解發斑者宜升麻湯如熱熱大便秘結邪毒在府發斑者以調味承氣湯治之如頭汗出身無汗小便不利渴飲水漿而發黃者瘀熱在裡也茵陳蒿湯主之如發汗已身自爲黃則寒濕在裏不解故也於寒濕中求之

少陽經 少陽爲病脈浮而絃脇痛喜嘔口苦甚則耳聾

小柴胡湯治之 少陽症自太陽傳來尚有大陽惡寒身
痛兼症以柴胡桂枝湯主之 如服柴胡反渴者轉屬陽
明卽以陽明法治之 如服葯汗出不解或嘔不止有裡
症可攻者柴胡加芒硝湯主之甚則以大柴胡湯主之
凡吐不止者以左金丸治之

太陰經 太陰爲病脉沉遲微發熱四肢厥腹滿不欲食
理中湯主之 如脉浮者可發汗宜桂枝湯或葛根湯
汗後腹脹滿者厚朴生薑半夏甘草人參湯主之 太陰
自利者白通湯主之

少陰經 少陰爲病脉沉微細發熱但欲寐甚則舌短煩躁四逆湯主之 如由房事後得之者初中當在太陽而有少陰兼症因腎虛邪入故也卽係夾陰傷寒最險之症以蘇附細辛湯麻附甘草湯治之

厥陰經 厥陰爲病脉沉絃微發熱頭微痛不欲言甚則囊縮厥逆當歸四逆湯主之 如見吐衄中寒甚也以理中湯 并烏梅丸治之

三陽合病併病 一二三經同病而不歸於一經者謂之合病 一二三經同病而後歸於一經自病者謂之併病 凡

有一經兼病則兼有一經脉症有一經脉症則兼用一經方法加減酌治治之之法詳上變而通之自然合法不必多立名色徒令學者迷惑反難下手

兩感 一日太陽少陰頭痛口乾煩躁二日陽明太陰身熱譫語腹滿不欲食三日少陽厥陰耳聾口苦囊縮而厥其傳最速正不勝邪之象三日經盡六日胃氣絕則死矣潔古以大羌活湯治之感之淺者尚或可乎然而此症變態非常不可鑿言方治治法貴在知其由而救其本在表者則解其外在裡者則和其中若邪自外入則以邪為主

而兼調其內若邪因虛襲則當專顧根本不可攻邪庶可
回生於萬一耳

傷寒門列方

麻黃湯

麻黃

桂枝

杏仁

甘草

桂枝湯

桂枝

芍藥

甘草

生薑

大棗

葛根湯

葛根

麻黃

桂枝

芍藥

甘草

生薑 大棗

白虎湯

石膏 知母 甘草 粳米

小柴胡湯

柴胡 半夏 人參 黃芩 甘草

生薑 大棗

大柴胡湯

柴胡 半夏 黃芩 芍藥 枳實

大黃 生薑 大棗

柴胡桂枝湯

柴胡

桂枝

人參

甘草

半夏

黃芩

白芍

大棗

生姜

柴胡加芒硝湯

小柴胡湯去人參加芒硝

大承氣湯

大黃

芒硝

厚朴

枳實

小承氣湯

大承氣湯去芒硝

調胃承氣湯

大承氣湯去枳實厚朴加炙甘州

桃仁承氣湯

桃仁

官桂

大黃

芒硝

甘草

抵當湯

大黃

桃仁

水蛭

虻蟲

五苓散

茯苓

猪苓

白朮

澤瀉

肉桂

白虎加人參湯

白虎加人參

升麻湯

升麻

蒼朮

麥冬

麻黃

黃芩

大青

石膏

淡竹葉

茵陳蒿湯

茵陳

大黃

山梔

大青龍湯

麻黃

桂枝

杏仁

生薑

大棗

甘草

石膏

小青龍湯附加減法

麻黃

桂枝

白芍

五味子

乾薑

甘草

半夏

細辛

如渴去半夏加花粉 噎去麻黃加附子 小便不

利少腹脹滿或大便澀去麻黃倍加茯苓 喘去麻

黃加杏仁

桂枝二麻黃一湯

桂枝

麻黃

白芍

杏仁

甘草

生姜

大棗

桂枝二越婢一湯

桂枝

麻黃

白芍

生姜

甘草

大棗

石膏

桂枝新加湯

桂枝湯加入參肉桂

小建中湯

桂枝湯加飴糖蜂蜜

真武湯

茯苓

白朮

生姜

附子

白芍

茯苓桂枝甘草大棗湯

茯苓

桂枝

甘草

大棗

桂枝甘草湯

桂枝

甘草

茯苓桂枝白朮甘草湯

茯苓

桂枝

白朮

甘草

桂枝人參湯

桂枝

人參

白朮

炙草

乾姜

桂枝湯去桂加茯苓白朮湯

白芍 甘草 茯苓 白朮 生薑

大棗

炙甘草湯

炙草 生薑 桂枝 人參 阿膠

生地 麥門冬 麻仁 大棗

芍藥甘草附子湯

芍藥 甘草 附子

茯苓四逆湯

茯苓 人參 甘草 乾姜 附子

四君子湯

人參

白朮

茯苓

甘草

五味異功散

四君子湯加陳皮

六君子湯

四君子湯加陳皮半夏

香砂六君子湯

六君子湯加香附砂仁

乾姜附子湯

乾姜

附子

小陷胷湯

半夏

黃連

括蔞仁

理中湯

人參

白朮

乾姜

炙草

四逆湯

附子

乾姜

炙草

麻黃附子細辛湯

麻黃

附子

細辛

麻黃附子甘草湯

麻黃 附子 甘草

當歸四逆湯

當歸 桂枝 芍藥 細辛 甘草

通草 大棗

寒甚者加吳茱萸生姜

白通湯

葱白 附子

厚朴半夏生姜甘草人參湯

厚朴

半夏

生姜

甘草

人參

烏梅丸 飲丸

烏梅

細辛

甘姜

黃連

當歸

附子

川椒

桂枝

人參

黃柏

大羌活湯

羌活

獨活

防風

細辛

防已

黃芩

黃連

蒼朮

白朮

炙草

知母

川芎

生地

左金丸

醫學辨疑卷之二
吳茱萸

黃連水炒研末水跌爲丸每粒伍錢二分平准

瘟疫主治

六淫之邪惟寒爲甚故仲景著傷寒以濟天下萬世其心可謂仁矣而獨不及瘟疫且自來並無發明之者豈歷年久而多所散亡歟何論之缺也有明吳又可著瘟疫治法表裡分明經絡洞達始終詳盡盡美矣孔以立謂其詳於攻邪畧於扶正執中之論洵有確識第疫症寔多虛少未患預防虛弱之人固宜輔其正正氣強則邪難干病後見虛調理之法亦當補其元元氣復則體斯固若當受病之

時審表裡酌先後或從外解或從內解因症知變因變知
治大法必當以又可之論爲主蓋疫爲熱邪陽症也非攻
散則邪不能去邪不去則病不愈而正爲邪蝕不成錮疾
卽致莫救此又可苦心所以諄諄於攻邪也學者當善會
又可之心法而酌於病者之脉症叅以一已之閱歷其庶
幾乎

初中治法 傷寒由表入理瘟疫自內達外其氣之感也
不在六氣之中出乎常氣之外有天受有傳染入自口鼻
舍於伏脊去表不遠附近於胃乃表裡之分界鍼經所謂

醫學考異卷之二
橫連膜原是也。瘟疫初起邪在膜原，正當經胃交關之所，故爲半表半裡。其脈不浮不沉而數，舌胎如積粉，大渴引飲，晝夜發熱，日晡益甚，頭痛身痛。此時邪不在經，汗之徒傷表氣，又不在于裏下之徒傷胃氣，宜達原飲主之。如有三陽見症，則用三陽加法，輕者得汗可解。如服藥後不從汗解而從內陷者，舌根先黃，漸至中央，邪漸入胃也。三消飲主之。若脈長洪而數，大汗多渴，此邪氣適離膜原，欲表未表，白朮湯主之。如舌上純黃色，脈沉見有裡症，此邪已入胃，無論糞結不結，卽當以承氣諸湯察邪氣之輕

重審正氣之虛寔量與下之 凡疫邪留於氣分解以戰

汗得戰汗當卽脉靜身涼煩渴頓除而三五日後陽氣漸積不待飲食勞碌或有反覆者此表邪已解裏邪未去纔覺發熱下之卽解如有應下失下氣消血耗旣下欲作戰汗但戰而不汗者危次日當期復戰厥回汗出者生否則死戰而厥回無汗者真陽尚在表氣枯涸也可使漸愈凡戰而不復忽瘥者必死當戰汗時斷不可擾動擾動則戰而中止戰汗後復下後越二三日反腹痛不止者欲作滯下也無論見積與未宜芍藥湯治之 裏症下後續得自

汗熱甚汗甚熱微汗微此表有留邪也宜柴胡湯以佐之
表解汗止設有三陽經症卽用三陽加法若面無神色唇
口刮白表裏無陽症喜熱飲脉微欲絕忽得自汗淡而無
味者爲虛脫夜發晝死晝發夜亡急當峻補補不及者死
大病愈後數日每飲食及驚動卽汗此表裏虛怯宜人參
養榮湯倍黃芪 裏症下後續得盜汗有熱者表有微邪
也不止者宜柴胡湯以佐之若愈後脉靜身涼無熱數日
反得盜汗自汗者此屬表虛宜黃芪湯 狂汗者伏邪中
瀆欲作汗解故坐卧不安且狂且躁少頃大汗淋漓狂躁

止脉靜身涼霍然而愈此其人陽氣充盛之故也 疫邪
留於血分解以發斑而裏氣壅閉非下不斑斑出爲毒邪
外解之象下後斑漸出更不可大下設有下症少與承氣
緩緩下之若復大下中氣不振斑毒內陷則危宜托裏舉
斑湯 疫邪胃膈滿悶心煩喜嘔欲吐不吐雖吐而不得
大吐腹不滿欲飲不能飲欲食不能食此邪留於胃膈宜
瓜蒂散吐之 凡瘟疫發熱一二日舌上白胎如積粉早
服達原飲午前舌變黃色隨現胃膈滿痛大渴煩躁此伏
邪傳胃也前方加大黃下之煩渴少減熱去六七午後復

加煩躁發熱舌變黑生刺鼻如烟煤此邪毒最重復瘀到
胃急投大承氣湯傍晚大下夜半熱退次早鼻黑胎刺如
矢一日有此三變數日之法一日行之因其毒盛傳變亦
速用葯不得不緊設此症不服葯或投緩劑二三日必死
愈後調理 凡有陰枯血燥者宜清燥養榮湯表有餘
熱者宜柴胡養榮湯裏症未盡者宜承氣養榮湯胃膈不
清者宜葷貝養榮湯 下後或數下膜原尚有餘邪熱不
能頓除宜柴胡清燥湯緩劑調理俟餘邪聚胃再下之
汗下後脈靜身涼渾身痛甚一如被杖一如墜傷少動則

痛苦號呼此經氣虛營衛之行澁也俟經氣回痛必漸止
不葯可愈

應下失下 應下失下或爲緩葯羈遲精神迨盡邪火獨
存以致循衣摸床肢體振戰補之則邪毒愈甚攻之則元
氣不勝其攻不得已勉用陶氏黃龍湯或可回生於萬一
也 應下失下真氣虧微乃投承氣下咽少頃額上汗出
髮根搔痒邪火上炎手足厥冷甚則振戰心煩如狂此氣
不勝葯名葯煩凡遇此症葯中多加生姜煎服均作二三
次服以防嘔吐或量其氣體酌加人參亦妙 服承氣腹

醫學抄要卷之二
三
中不行或次日方行或半日仍吐原藥此因病久失下氣
虧不能運藥名停藥天元幾絕大凶之兆也宜生姜以和
藥性加人參以助元氣又有邪實病重劑輕亦令不行然
此有脈症可辨是亦不可不知

奪液無汗 瘟疫下後脈沉有力下症未除再下之下後
脈浮身熱法當汗解三五日不得汗者其人預亡津液也
飲食漸進津液漸回方可得汗若表裏枯燥已極或可投
以養陰之劑

奪氣不語 瘟疫下後熱退身涼而神思不清似寐非寐

似瘡非瘡呼之不應此正氣奪也莫如靜守日進糜粥若
表裏無大熱者宜人參養榮湯補之能食者自然虛回而
前症自除設不食者正氣愈奪虛症轉加法當峻補

脈厥 瘟疫得裡症神色不敗言動自如忽然六脈如絲
微細而軟甚至於無察其人不應有此脈今忽有此皆緣
應下失下內結壅閉營氣逆於內而不能達此脈厥也宜
承氣緩緩下之悞爲陽症得陰脈也禍不旋踵矣

體厥 陽症脈陰身冷如冰此體厥也蓋陽鬱於內故四
肢厥逆如下症已見急宜承氣緩緩下之

虵厥 疫利傳胃胃熱如沸虵動不安下既不通必反於上虵因嘔出此常事也但治其胃虵厥自愈

虛煩似狂 疫有虛煩似狂者其必六脈不甚頭尺脈不至此則根源虧損正氣不能主持法當大補然有急下者下後厥回尺脈至煩躁少定不得再下急宜峻補補不及者死

神虛譫語 應下稽遲而數下之渴熱去下症除五六日後譫語不止者不可以爲實此邪氣去而元神未復也宜

清燥養榮湯加辰砂

下後脈浮 裏症下後脈浮而微數身微熱或神思不爽
此邪熱浮於肌表而裏無壅滯也雖無汗宜白朮湯則邪
從汗解若大下後或數下後脈空浮而數按之豁然如無
者宜白虎湯加人參覆杯則汗解

下後脈復沉 裏症脈沉而數下後脈浮者當得汗解今
不得汗後二三日脈復沉者膜原餘邪復瘀到胃也宜更
下之下後脈再浮者仍當汗解宜白朮湯
下後身反熱 應下之症下後當脈靜身涼今反發熱者
此內結開正氣通鬱陽暴伸也可靜俟之

下後脈反數 下後脈大而數舌上生津不思水飲此裡邪去鬱陽上伸也直柴胡清燥湯去花粉知母加葛根隨其性而升泄之此症惟應下失下而既下後有之

下後反痞 下後痞當去今反痞者虛也以其人或因他病先虧或稟賦本弱因而益虛失其健運宜參附養榮湯若潮熱口渴脈數而痞者則大非所宜矣

下後反嘔 下後胃熱去嘔當止今反嘔者此屬胃氣虛寒少進粥食便欲吞酸者宜半夏藿香湯

病愈結存 下後脈症俱平腹中有塊按之則痛自覺膨

悶或往來不利常作蛙聲此邪氣盡而宿結未除也斷不可攻須飭食漸進胃氣稍復自能潤下

下格 愈後厥症俱平大便二三旬不行時時作嘔飲食不進雖少與湯水嘔吐愈加此爲下格蓋下旣不通必返於上宜調胃承氣熱服頓下宿結嘔吐立止嘔止慎勿驟補

畜血發黃 瘟疫畜血發黃之症總由胃實失下表裏壅閉鬱而爲黃熱無所泄搏血爲瘀更有畜血而兼發黃但畜血一行熱隨血泄黃卽隨泄減故瘀血未行宜桃仁承

氣湯服湯後畜血盡而熱亦盡大勢已去亡血過多餘焰
尚存者宜犀角地黄湯調之若邪傳裏遺熱下焦小便不
利經氣鬱滯其傳為疸身目如金者宜茵陳湯

大便 疫邪熱結旁流協熱下利或謂結或膠閉決宜下
之下之則邪熱去矣若愈後大便不行別無他症此屬三
陰不足大腸虛燥不可攻也宜作蜜煎導甚則宜六成湯
若愈後脈遲細而弱每至黎明或夜半便作泄瀉此命門
真陽不足宜七成湯或亦有雜症屬實者宜大黃丸下之

立愈

小便 疫邪熱到膀胱小便赤色邪到膀胱干氣分則小便膠濁干血分則溺血畜血熱到膀胱者其邪在胃治在胃邪到膀胱者邪從胃來治在胃兼治膀胱若腸胃無邪獨小便急數或白膏如馬遺其治在膀胱邪干氣分則猪苓湯邪干血分則桃仁湯

論飲 疫症煩渴思飲酌量與之若引飲過多自覺水停心下名停飲宜四苓湯

論食 瘟症有首尾能食者此邪不傳胃切不可絕其飲食但不宜過食如愈後十數日脉靜身涼表裏俱和但不

思食者此中氣不甦當與粥飲迎之覺飢久而不思食者
以人參一錢煎湯與之少喚胃氣能食卽止

勞復 疫邪已退脉症俱平或因櫛沐洗浴或因多言妄
動遂至發熱前症復起惟脉不沉寔爲辨此爲勞復輕則
靜養可復重則大補氣血自然熱退症除宜安神養血湯
食復 若飲食所傷吞酸作噯或心腹滿悶而加熱者此
名食復輕則損穀自愈重則消導方愈

自復 若無故自復伏邪未盡此名自復當問前得某症
所發亦某症稍與前葯以徹其餘邪自然獲愈

損復 疫邪之傷人也始而傷氣繼而傷血傷肉傷筋

肯邪毒既退始而復氣繼而復血復肉復筋復骨故凡愈後脉症俱平飲食漸進忽而肢體浮腫或四肢脫力別無所苦此卽氣復血復之類也勿葯自可漸愈

主客交 凡值病後肌肉消鑠此際稍感疫氣正氣衰微不能托出表邪必有絕穀痞滿發熱不寐肢體時疼胃物雖痛數脉不退等症或因非其治過期不愈

疫邪交卸近在一七遠在

二七甚至三七

各邪膠固於血脉此爲主客交最難得解且愈久

愈固治法當乘其大肉未消真元未敗急用三甲散多有

得生者更酌加減法隨其症而調之 應下諸症舌變黃
胎舌黑胎舌芒刺舌裂舌短舌硬舌卷白砂胎唇燥裂唇
焦色唇口皮起口臭鼻孔如烟煤口燥渴目赤咽乾氣噴
如火小便赤黑涓滴作痛小便甚臭揚手擲足潮熱譫語
善太息心下滿心下高起如塊心下痛腹脹滿腹痛按之
愈痛心下脹痛頭脹痛小便閉大便閉轉屎氣極臭大腸
膠閉協熱下利熱結旁流四逆脉厥體厥發狂脉沉而數
第見二三條叅之脉象而符便當下之

應補諸症

或日久失下形神幾脫或久病先虧或大勞

或大慾或老人枯竭皆當補瀉兼施設既行而兼虛在者
宜急峻補補之虛症稍退則忌再補補後虛症不退及加
變症者危下後虛症不見臆度其虛輒用補法法所大忌
九傳兼症治法 總之治疫之法當其邪勢方張勢不可
遏但使邪毒速離膜原便是治法後段工夫識得表裏虛
實更詳輕重緩急雖其傳有九有但表而不裏者有但裏
而不表者有表而再表者有裏而再裏者有表裏分傳者
有再分傳者有表裏偏勝者有先表而後裏者有先裏而
後表者但知邪之所在當汗汗之當下下之不致差謬不

致顛倒豈不萬舉萬全乎其他感冒癘痢兼疫以及婦人
月經崩漏妊娠產後感疫者但以疫法治之他症自愈勿
得多所顧忌也

瘟疫門列方

達原飲

檳榔

厚朴

草菓仁

知母

芍藥

黃芩

甘草

凡疫邪遊溢諸經當隨經引用以助升泄如脇痛耳
聾寒熱嘔而口苦此邪熱溢於少陽經也本方加柴

胡 如腰背項痛此邪熱溢於太陽經也本方加羌
活 如目痛眉稜骨痛眼睂痛鼻乾不眠此邪熱溢
於陽明經也本方加乾葛

消飲

板櫚

草菓

厚朴

白芍

甘草

知母

黃芩

大黃

葛根

羌活

柴胡

薑棗煎服

白虎湯

見傷寒門

大承氣湯

見傷寒門

小承氣湯

見傷寒門

調胃承氣湯

見傷寒門

桃仁承氣湯

大黃

芒硝

桃仁

當歸

芍藥

丹皮

犀角地黄湯

地黃

白芍

丹皮

犀角

抵當湯

見傷寒門

茵陳湯

見傷寒門

瓜蒂散

甜瓜蒂

赤小豆

生山梔仁

芍藥湯

白芍

當歸

枳殼

厚朴

甘草

柴胡湯

柴胡

黃芩

陳皮

甘草

生薑

大棗

黃芪湯

黃芪

五味子

當歸

白朮

甘草

托裏舉斑湯

白芍

當歸

升麻

白芷

柴胡

川山甲

清燥養營湯

知母

天花粉

當歸身

白芍

陳皮

地黃汁

甘草

柴胡養榮湯

柴胡

黃芩

陳皮

甘草

當歸

白芍

生地

知母

天花粉

承氣養榮湯

知母

當歸

芍藥

生地

大黃

枳實 厚朴

獲貝養榮湯

知母 花粉 貝母 瓜蒌實 橘紅

白芍 當歸 紫蘇子

柴胡清燥湯

柴胡 黃芩 陳皮 甘草 花粉

知母

參附養榮湯

當歸 白芍 生地 人參 附子

乾薑

半夏藿香湯

半夏

真藿香

乾薑

白茯苓

廣陳皮

白朮

甘草

黃龍湯

大黃

厚朴

枳實

芒硝

人參

地黃

當歸

人參養榮湯

人參

麥冬

瀉五味

地黃

歸身

白芍藥

知母

陳皮

甘草

六成湯

當歸

白芍

地黃

天門冬

肉蓯蓉

麥門冬

七成湯

破故紙

熟附子

遠五味

白茯苓

人參

甘草

豬苓湯

渚苓

澤瀉

滑石

甘草

木通

車前

桃仁湯

桃仁

丹皮

當歸

赤芍

阿膠

滑石

四苓湯

茯苓

澤瀉

猪苓

陳皮

安神養血湯

茯神

棗仁

當歸

遠志

桔梗

芍藥

地黃

陳皮

甘草

加圓肉水煎服

三甲散

鱉甲

龜甲

並用酥炙黃為末如無酥以醋代之

川山甲

土炒黃為末

蟬退

洗淨炙乾

姜蚕

白硬者切生用

牡蠣

煨為末

麈蟲

三個乾者擊碎鮮者搗爛和酒少許取汁入湯藥同服其渣入諸藥同煎

白芍藥

當歸

甘草

若素有老瘧或痺癱者加牛膝何首烏胃弱欲作瀉

者宜九蒸九晒若素有鬱痰者加貝母有老痰者加

瓜蒌霜善嘔者勿用若喉乾作瘡者加花粉知母素
有燥嗽者加杏仁搗爛素有內傷瘀血者倍塵蟲如
無塵蟲以乾漆炒炮盡爲度研末及桃仁搗爛代之
服後病減半勿服當盡調理法

春溫非瘟疫論治

經曰冬不藏精春必病溫蓋冬主寒水胃爲水臟冬令收
藏宜法天時爲龍蛇之蟄使精氣不藏則水必涸交春肝
木主事水不能滋木肝無所榮則腰以下習習然風動春
爲溫風內外之風相感而成故病名曰春溫至瘟疫則天

地乘戾之氣所感四時皆有。獨於春爲然也。且春溫似類中風其脈浮而緩若溫疫則兼數脈矣。此甚易辨而今之醫家每每不察以致誤治敗事獨何心哉。春溫治法桂枝羌活柴胡葛根等湯皆可酌用。大法揔宜治風清熱俟邪既解則以滋陰爲主。達原等法瘟疫之正治非所論於春溫也。

春溫門列方

桂枝湯

見傷寒門

九味羌活湯

羌活 白芷

防風 牛地

蒼朮 黃芩

細辛 甘艸

川芎

此方藥備六經治通四時用者當隨症加減不可執。

柴胡湯

見傷寒門

葛根湯

見傷寒門

中暑中暈中濕辨

暑有風暑有溫暑初夏之時天氣乾燥暑風相感頭痛惡
風脈浮緩而濡病名曰風暑長夏之時天多淫雨地氣蒸
騰感之者名曰濕暑其脈沉緩而濡此二症有汗則以藿
香正氣散用三陽加法酌治無汗則以香薷飲用三陽加
法酌治蓋暑爲陰邪大法總宜溫散不可用寒涼藥若夫
中暈則被藜藿之人日逐田間紛奔市上時受炎蒸此則

熱毒所中脈必兼數方可投以石膏竹葉白虎等劑每見
今之醫家治中暑多用寒涼葯其不償事者鮮矣夫暑邪
中人膏粱之子居多暍熱生病藜藿之夫爲甚以治中暑
之法治中暍功緩而可以望愈以治中暍之治治中暑則
危矣此等關頭最宜細心審治若夫中濕外症雖類中暑
而多體重一層甚則發黃成痿其脈緩滑或兼洪大治法
又當以五苓二妙茵陳蒿湯審而用之

中暑中暍中濕門列方

藿香止氣散

藜香

柴蘇

白芷

大腹皮

茯苓

白朮

陳皮

半夏
麩

厚朴

桔梗

甘草

薑東煎

杏膏飲

香薷

厚朴

扁豆

竹葉石膏湯

竹葉

石膏

人參

甘草

麥冬

半夏

粳米

加薑煎

白虎湯

見傷寒門

五苓散

見傷寒門

二妙散

蒼朮

黃柏

茵陳蒿湯

見傷寒門

秋燥論治

秋為陽明燥經當令是時雨澤調勻地氣滋潤則燥氣平

而人亦感天地之和平而無所爲病如遇天地亢旱人受其燥氣病則爲嗽其肺脉毛而救治宜以瓊玉膏滋燥養榮湯麥門冬湯萸貝養榮湯以及沙參桑葉玉竹等清潤之藥滋降爲得若誤認傷風咳嗽妄用風藥則燥而愈燥久必成損壞事多矣是亦不可不明辨而審體之

秋燥門列方

瓊玉膏

地黃

茯苓

人參

白蜜

滋燥養榮湯

當歸

生地

熟地

芍藥

黃芩

秦艽

防風

甘草

麥門冬湯

麥門冬

半夏

人參

甘草

粳米

大棗

薑貝養榮湯

見瘟疫門

火症論治

火為熱病是固然矣然火有虛寒熱有真假察之之法總

宮以中氣爲主脉象爲準而外症無足憑也實火宜瀉虛
火宜補固也然而虛中有實實中有虛實火卽真熱症也
脉必洪大數而有力虛火卽假熱症也脉亦洪浮數而無
力亦有不數者其源有二一曰陰虛者能發熱此以真陰
虧損水不制火也二曰陽虛者亦能發熱此以元陽敗竭
火不歸原也治實火諸法微熱之氣惟涼以和之宜從薪
飲四陰煎二陰煎等方大熱之氣必寒以除之宜抽薪飲
太清飲白虎湯等方火甚而兼脹滿閉結是熱者宜涼膈
散八正散承氣湯之類火甚虛煩乾渴或有熱毒難解者

宜用綠豆飲或雪梨漿葶汁茅根汁間葯朝夕飲之鬱
熱之火宜散而解之如外邪鬱伏爲熱者宜正柴胡飲小
柴胡湯之類主之鬱熱在經而爲癰疽爲瘡疹者宜荆防
敗毒散連翹歸尾煎或芍葯蒺藜煎之類主之治虛火諸
法陰虛生熱者治當補陰其火乃息宜一陰煎左歸飲六
味地黃之類所謂壯水之主也陽虛發熱者治宜溫補血
氣其熱自退宜理陰煎右歸飲理中湯大補元煎六味回
陽之類所謂益火之原也虛中有寔者治宜以補爲主而
不得不兼乎清如加減一陰煎保陰煎補陰丸之類寔中

有虛者治宜以清爲主而酌兼乎補如清化飲徒薪飲大
補陰丸之類是故火症必須察其虛實辨其陰陽而後胃
有定見葯有定品不致以實爲虛以虛爲實而其中之細
微如微虛者宜從微補微熱者宜從微清若熱倍於虛而
清之不及無害也若虛倍於熱而清之太過則伐及元陽
矣治火者不可不知此義

火症門列方

抽薪飲

黃芩

石斛

木通

梔子

黃柏

枳壳

澤瀉

甘草

徒薪飲

陳皮

黃芩

麥冬

芍藥

黃柏

茯苓

丹皮

太清飲

知母

石斛

木通

石膏

白虎湯

見傷寒門

二陰煎

生地 麥冬 粳仁 甘草 元參

黃連 茯苓 木通

四陰煎

生地 麥冬 白芍 百合 沙參

茯苓 甘草

涼膈散

大黃 朴硝 甘草 竹葉 連翹

梔子 黃芩 薄荷

八正散

八車前子

木通

滑石

山梔

大黃煨

瞿麥

篇蓄

甘草

承氣湯

見傷寒門

小柴胡湯

見傷寒門

正柴胡飲

柴胡

防風

陳皮

芍藥

甘草

生薑

連翹歸尾煎

連翹

歸尾

甘草

金銀花

牛膝

荆防敗毒散

羌活

獨活

柴胡

前胡

川芎

枳殼

桔梗

茯苓

甘草

荆芥

防風

芍藥蒺藜煎

龍胆草

梔子

黃芩

木通

澤瀉

芍藥

生地

白蒺藜

連刺槌碎

一陰煎

生地

熟地

芍藥

麥冬

甘草

牛膝

丹參

左歸飲

熟地

山藥

枸杞

炙朮

茯苓

山萸

六味地黃湯

熟地

山萸

山藥

丹皮

茯苓

澤瀉

理陰煎

熟地

當歸

尖草

乾姜

或加桂元肉

右歸飲

熟地

山藥

山萸

枸杞

甘草

杜仲

肉桂

製附子

理中湯

見傷寒門

大補元煎

人參 山藥 熟地 杜仲 當歸

山萸 枸杞 炙草

六味回陽飲

人參 附子 乾薑 甘艸 熟地

歸身

保陰煎

生地 熟地 芍藥 山藥 川續斷

黃芩 黃柏 甘草

補陰丸

黃柏

知母

熟地

龜板

酥炙

白芍

當歸

牛膝

虎脛

酥炙

瑣陽

酥炙

陳皮

清化飲

芍藥

麥冬

丹皮

茯苓

黃芩

生地

石斛

大補陰丸

黃柏

知母

熟地

龜板

傷風論治

經曰勞風即傷風也蓋勞力汗出而傷風也又曰巨陽引

精者三日中年者五日不精者七日七日而黃痰出卽愈
七日而黃痰不出曰傷肺傷肺者死是豈得視爲小症忽
畧而易言之哉夫傷風爲四時之感冒手太陰受之以肺
主皮毛風之入必自毛孔而入也其脉浮緩其症或微發
熱或微惡寒頭痛咳嗽或有痰或無痰或吐白涎或兼他
臟見症如經云肝嗽不已則胆受之胆嗽之狀嗽則嘔苦
胆汁心嗽不已則小腸受之小腸之嗽嗽則遺尿脾嗽不
已則胃受之胃嗽之狀嗽而嘔不欲食肺嗽不已則大腸
受之大腸之嗽嗽則遺尿或便秘又當兼用引經之藥治

法總以參蘇飲杏蘇飲二陳枳桔麻杏石甘湯六安煎金
水六君煎等方審其病勢之淺深量乎氣體之虛寔加減
而酌用之若治失其法每致成瘥成痿則棘手矣

傷風門列方

參蘇飲

人參

紫蘇

乾葛

前胡

半夏

茯苓

陳皮

甘草

枳壳

桔梗

木香

杏蘇飲

杏仁

紫蘇

陳皮

甘草

生薑

二陳湯

陳皮

半夏

茯苓

甘草

本方加枳壳桔梗名枳桔二陳湯

麻杏石甘湯

麻黃

石膏

杏仁

甘草

六安煎

前二陳湯加

杏仁

白芥子

金水六君湯

前二陳湯加 當歸 熟地

肺癆肺痿論治

肺癆肺痿之初起摠由風寒當其受風寒時不知禁忌葷酒或悞用溫補或滋補或悞用涼葯漸積而成此症肺氣素有餘者則病爲癆肺氣素不足者則病爲痿癆痿症見咳逆上氣胸中隱痛口中澀澀然燥洒漸惡寒翁翁發熱浙浙然汗出而脈則有辨右寸口數大有力者爲癆數細無力者爲痿癆痿治法與秋燥同總宜清潤補土以生金治癆宜以開提宣通膿血如甘桔湯金鯉湯之類主之治

醫方摘要卷之二
痿則惟補土生金如百合固金湯補肺阿膠散之類若其
應藥脉症漸轉猶可治也若嗽不止或至失音則不治矣
故古云肺痿不治也

肺癆肺痿門列方

甘桔湯

甘草

桔梗

金鯉湯

金色鯉魚一尾去腸肚淨入川貝母末一兩綿線縫好
用童便浸之隔水蒸極熟隨服

百合固金湯

生地

熟地

麥冬

百合

芍藥

當歸

貝母

甘草

玄參

桔梗

補肺阿膠散

阿膠

馬兜鈴

甘草

牛蒡

杏仁

糯米

真中類中辨治

病名曰真中類中者何蓋以外感之風爲真中內生之風爲類中真中爲實類中爲虛不知中風之症虛症十居其

九寔症不過一二耳夫人氣血壯盛內風固無所從生而外風亦無由自入必其血虧氣不足風乃得而中之是故真中者症見口眼喎邪語言蹇澀口角流涎以及角弓反張等症其脉必弦緊兼浮類中者外症亦同而脉則弦緩兼瀟治類中摠以滋陰養血爲主斷不可用風葯風葯多燥反虧其血景岳曰治風先治血血行風自滅此之謂也宜大小營煎六味八味四君四物十全大補大補元煎之類治之治真中亦宜以養血爲主不過稍加一二味風葯以治其標宜續命湯大小續命湯順風勻氣散之類加減

治之然而予所經治真中卒鮮何以今之醫士中風症每
用風藥多成不治豈先聖前賢之所發明者而竟未深
思之也歟中風脉弦似有力者非真有力也邪爲之也邪
去則不見有力矣中痰亦然是一尤不可以悞認者也

真中類中門列方

大營煎

當歸

熟地

枸杞

杜仲

牛膝

肉桂

炙草

小營煎

當歸

熟地

芍藥

山藥

枸杞

炙草

六味丸

見火症門

八味丸

六味丸加附子肉桂

四君子湯

見傷寒門

四物湯

熟地

當歸

川芎

芍藥

十全大補湯

人參

白朮

茯苓

炙艸

熟地

當歸

川芎

芍藥

黃芪

肉桂

大補元煎

見火症門

金匱續命湯

麻黃

人參

當歸

石膏

桂枝

川芎

乾薑

甘草

杏仁

大續命湯

金匱續命湯去人參加黃芩荆瀝

小續命湯

麻黃

人參

黃芩

芍藥

甘草

川芎

防己

杏仁

官桂

防風

附子

順風勻氣散

白朮

人參

天麻

沉香

白芷

青皮

甘草

紫蘇

木灰

烏藥

痿痺論治

諸痿由於肺熱蓋肺爲相府之官制節行焉一爲濕熱所乘則不能行其制節矣然而陽明無病不能成也胃爲水穀之海主潤宗筋束骨而利機關胃病則宗筋痿弛使大筋軟短小筋弛長軟短爲拘弛長爲痿是故陽明無病但病肺熱而不病痿痿爲氣血虧敗痺乃邪正交爭故痿不痛而痺痛治痿之法有補無瀉治痺之法補瀉兼施痺有五痺三痺之殊在春爲筋痺肝病也在夏爲脉痺心病也在長夏爲肉痺脾病也在秋爲皮痺肺病也在冬爲骨痺

腎病也此以五臟分言之也風多則爲行痺寒甚則爲痛
痺濕甚則爲着痺其他又有周痺酸痺之分摠之不外風
寒濕三者切其脉象探其病根茲緩主風爲肝病則以着
血祛風加肝經引葯酌治緩滑主濕爲脾病則以扶脾燥
濕加脾經引葯酌治準此推治無難症矣苟不知所從事
或反悞治痺久成痿雖有善者亦無如之何也已治痺如
蠲痺湯三痺湯加味五痺湯之類附自製一方寔有竒效
對症加減則應用無窮矣治痿則以左歸右歸固本丸之
類相其陰陽而施治焉

痿痺門列方

蠲痺湯

當歸

赤芍

黃芪

薑黃

羌活

甘草

三痺湯

人參

黃芪

當歸

川芎

熟地

白芍

杜仲

續斷

桂心

牛膝

細辛

茯苓

防風

秦艽

獨活

甘草

加味五痺湯

人參

白芍

茯苓

川芎

當歸

五味子

細辛

甘草

白朮

左歸飲

見火症門

右歸飲

見火症門

固本丸

人參

天冬

麥冬

生地

熟地

強筋健骨湯

人參去蘆切 熟地拍碎 山萸肉酒炒 全歸酒炒 白朮土炒

雲苓 金毛狗脊去淨毛酒炙 續斷酒炒 虎骨酥炙 鹿筋

打扁 筋骨軟弱無後症者不必加減 風甚者加桂枝

防風獨活 濕甚者去熟地加蒼朮蒼耳子酒炒 黃松

節切碎 五加皮酒炒 薏米仁炒研 虛寒者加鹿茸酒炙

附片肉桂去皮為細末冲服 濕兼熱者加秦艽酒炒

鼈甲酒炙研 或加黃蘗酒炒 茵陳威靈仙酒洗 麥冬酒浸去心

氣滯者加香附炒研 廣皮去白 筋痛者加木瓜酒炒

痛甚者加沒藥

去油

痰甚者加製半夏陳皮

去白

橘紅大

便結者加荜蓉

酒洗淡

下部重者加牛膝

酒炒

虛痰老痰加製首烏

手足俱痺者加桑寄生或桑枝

中痰論治

世無無痰之人而醫鮮知治痰之理凡見人体厚身肥必以橘紅半夏南星等消痰之藥投之以致正氣日虧反成中症不知此等藥治痰之標非治痰之本也人之飲食初化爲痰輸於五臟化爲五液故曰人非痰不生或內傷五臟或外感六淫失其健運之常故壅塞而爲病變化多端

要知痰之爲物藉脾氣爲運化脾氣盛則痰無所壅
所留補脾燥濕則痰無所爲害矣至若已見中症舌重言
蹇喉管如曳鋸声脉洪滑輕則以二陳湯清心散之類加
減重則以星香湯滌痰湯之類酌治摠宜先調其氣利其
竅使痰得以行則不難於施治矣如痰既消人事清醒仍
當扶正爲主又未可以執一也

中痰門列方

二陳湯

見傷風門

清心散

青黛

硼砂

薄荷

牛黃

冰片

右爲細末先以蜜水洗舌後以薑汁擦舌再將蜜水調藥擦舌本上

星香湯

南星

木香

滌痰湯

南星

半夏

枳實

茯苓

橘紅

石膏蒲

人參

竹茹

甘草

剛痙柔痙辨治

痙風病也而亦有兼寒兼濕者剛痙風而兼寒故身熱無汗脈弦而緊大法宗麻黃湯主治或神朮散柔痙風而兼熱故身熱汗出脈浮而緩或弦大法宗桂枝湯主治或白朮湯二痙同治用小續命湯加減亦可痙惟太陽受病而兼少陽者亦或有之不可不審然此止言其表故用仲景海藏散逐寔邪之法若以暴病見此兼足少陰症則屬陰虛當先以氣血爲主宜五福飲補陰益氣之類治之

痙症門列方

麻黃湯

見傷寒門

神朮散

蒼朮

防風

甘草

桂枝湯

見傷寒門

白朮湯

白朮

防風

甘草

小續命湯

見真中類中門

五福飲

人參

熟地

當歸

白朮

灸艸

補陰益氣煎

人參

當歸

山藥

熟地

陳皮

灸草

升麻

柴胡

厥症論治

厥有五曰氣厥曰痰厥曰寒厥曰熱厥曰食厥氣厥者其人素上氣肝氣受傷卒不知人牙關緊閉急宜投以理氣

平肝之劑輕則逍遙散重則解肝煎酌治痰厥者其人素喜肥膩厚味痰涎壅甚流入心包卒不知人急宜以二陳湯或竹瀝滌痰丸甚則礞砂滾痰丸之類酌治寒厥者其人積寒過甚邪無所出卒然閉塞手足震戰急宜治以理中等劑熱厥者其人內熱素甚或病時氣或嗜煎炒以致神昏發而爲厥治宜以竹葉石膏三黃石膏白虎之類食厥者其人素不知節飲食脾胃傷損漸積所致卒不知人大小承氣調胃承氣因而酌治之凡此五厥愈後總宜調理培補元氣方可除根若病退停藥以致復發多成痼疾

厥症門列方

逍遙散

當歸

白芍

白朮

茯苓

甘草

柴胡

解肝煎

陳皮

半夏

厚朴

茯苓

蘇葉

白芍

砂仁

二陳湯

見傷寒門

竹瀝滌痰丸

青礞石

沉香

橘紅

半夏

甘草

竹瀝

薑汁

礞砂滾痰丸

青礞石

沉香

大黃

黃芩

理中湯

見傷寒門

竹葉石膏湯

見中暑門

白虎湯

見傷寒門

三黃石膏湯

黃蓮

黃芩

黃柏

梔子

石膏

炙甘草

淡豆豉

麻黃

承氣湯

見傷寒門

脫症論治

脫有三曰上脫中脫下脫陰虛陽脫上脫也陽虛陰脫下

脫也陰陽兩虛中脫也夫人一身之陰陽原屬相維相繫
陽欲上脫陰下吸之不能脫也陰欲下脫陽上提之不能
脫也設起居不慎七情內傷有所偏勝則病見矣其脉寸
洪尺微或兼代指或細數無神或弦洪無力兼散脉此陰
虛陽脫之象也症見頭暈眼花頭痛欲裂喘嗽頻頻甚則
下体浮腫頭面瘡痍虛煩似狂頭面戴陽假熱之象及神
昏藝語等症治宜以七分陰藥三分陽藥夜服從陰以引
陽尺部浮洪寸部微弱者此陽虛陰脫之象也症見久瀉
不已或小便不禁或精滑不固二便瀉血不止或見腸垢

及屋漏水完穀不化等症治宜以七分陽藟三分陰藟
服從陽以引陰六脉皆虛陰陽俱損右關短散按之則無
中脫之象也症見神昏氣惰或嘔瀉不止或上喘下泄此
爲中土無權治宜於陰陽兩補之中倍加補土兼補火生
土之法凡此三脫者挽緣氣血虧損漸漬而成而治之之
法於補陰補陽之中必加入固瀼之品所謂瀼可固脫也
如陽脫症則主以八味金匱腎氣之類加黑錫牛膝五味
石脂以墜之瀼之陰脫症則主以補中益氣之類加五味
以斂之中脫症則主以四君六君之類重用參朮加桂附

五味故紙補脾益腎以固之瀋之明此三者治脫症無難
矣

脫症門列方

八味丸

見真中類中門

加減金匱腎氣丸

八味丸加川牛膝車前子

補中益氣湯

人參

黃芪

白朮

甘草

當歸

陳皮

升麻

柴胡

四君子湯

見傷寒門

六君子湯

見傷寒門

勞症論治

勞有五用心太過爲心勞惱怒傷肝爲肝勞思慮太過飲
食不節爲脾勞奔迫無度形寒飲冷爲肺勞房慾過度不
知節制爲腎勞勞脉初起多見沉細微弱所謂虛症虛脉

脉症相符也治法總以滋陰降火扶脾養腎為主蓋脾爲
孤臟灌溉四旁脾氣強盛則水谷有所消納而他臟遂得
以資其養仲景先生曰得穀則昌失穀則亡又曰勞瘵至
瀉則必死不瀉能食尚可痊職此故耳寒涼藥切不可用
寒涼之品多傷脾胃脾胃受傷則無所下手矣如病人脾
胃尚強亦揔宜以培補預防其敗如四君六君人參養榮
四物八珍歸脾十全大補六味八味等丸及大小營煎五
陰煎理保陰煎或加 龜板鼈甲牡蠣生蛤壳黑豆皮滋陰
等藥嗽甚者或加紫苑欬冬川貝百合等藥有熱者或加

丹皮地骨皮童便炒青蒿等藥治之勞脉初起見洪大或
細數皆忌也然投以滋補之劑尙能應手而脉亦漸轉微
弱數亦漸退猶爲可治若症轉而脉不轉卽不可治所謂
無胃氣也此中机括要惟獨具手眼者能辨之能治之

勞症門列方

四君子湯

見傷寒門

六君子湯

見傷寒門

四物湯

見真中類中門

人參養榮湯

見瘟疫門

八珍湯

白朮

茯苓

炙草

當歸

川芎

熟地

芍藥

人參

十全大補湯

見真中類中門

歸脾湯

人參

黃芪

白朮

茯苓

棗仁

遠志

當歸

木香

炙草

圓眼肉

六味丸

見火症門

八味丸

見真中類中門

大小營煎

見真中類中門

五陰煎

熟地

山藥

扁豆

炙草

茯苓

芍藥

五味子 人參

白朮

蓮肉

理陰煎

見火症門

保陰煎

見火症門

蠱症論治

蠱有氣蠱水蠱虫蠱血蠱之分虫蠱飲食有偏好致生虫
而成蠱治惟殺虫理脾胃血蠱則惟婦人有之或月事後
或胎前產後食生冷酸滯之物致血氣凝結而成治惟活
血理氣此二者虛症雖多而實症尙有可以補瀉兼施若

氣蠱水蠱則惟虛寒所致脾胃兩虧腎不納氣脾不化氣
爲氣蠱火不生土脾不化水爲水蠱治惟溫補斷不可用
剋伐葯醫書所載蠱症寒熱雙分因有寒滿分消熱滿分
消二方然予業醫二十餘年凡治蠱病從未見有熱症故
予治氣蠱水蠱一惟以金匱腎氣主之氣蠱酌加雞內金
參朮之類水蠱酌加雞內金五加皮焦谷芽之類無不效
者可見古書所傳亦難盡執摠之考定惟博會通惟精臨
症審治則惟我是又不獨蠱症爲然也

蠱症門列方

金匱腎氣湯

卽八味丸見真中類中門

膈症論治

膈有酒膈氣膈虫膈勞膈之別酒膈者脾胃爲酒所傷精液枯竭氣膈者俯怒太過肝木乘脾虫膈者好食煎炒香味爍散其精液以致生虫勞膈者或飲食不知節有傷中官之士或房事太過火不生土要之膈之爲病總緣陰陽受傷精液日竭所致斷不可用香竄葯香葯多燥燥則愈枯其精液矣故宜通幽湯之類通潤滋補爲主治酒膈如

五汁飲等方治氣膈如逍遙散等方虫膈則黃蘗川椒使
君之類酌治勞膈爲命火不足則以理中八味之類審而
用之膈症初起脉洪未致絕穀治得其法尙屬可救如日
久脉細微或下羊屎遺屎如燈心者必死

膈症門列方

通幽湯

當歸

升麻

桃仁

紅花

甘草

生地

熟地

栝榔

五汁飲

葑菜汁 薑汁 荸薺汁 牛乳汁 梨汁

逍遙散

見厥症門

理中湯

見傷寒門

八味丸

見真中類中門

開格論治

開格症在內經本以八迎察六腑之陽寸口察五臟之陰

人迎盛至四倍已上此陽明經孤陽獨見水不濟火也故
曰格陽格陽者陰格於陽也氣口盛至四倍已上此太陽
經元陰無主氣不歸精也故曰閉陰閉陰者陽閉於陰也
若人迎寸口俱盛至四倍已上且大且數此其陽氣不藏
故陰中無陽陰氣不升故陽中無陰陰陽相離故名閉格
也凡見此者摠由酒色傷腎情慾傷精以致陽不守舍故
脉浮氣露元極如此此則真陰敗竭元海無根是誠亢龍
有悔之象最危之候也脉必弦大至極治此者宜以峻補
真陰爲主然又當察其虛中之寒熱實中之陰陽分別處

治如兼陽臟者必多熱宜一陰煎左歸飲左歸丸之類主
之如兼陰臟者必多寒宜大營煎右歸飲右歸丸之類主
之若不熱不寒臟氣本平者宜五福飲三陰煎大補元煎
之類主之

開裕門列方

一陰煎

見火症門

左歸飲

見火症門

左歸丸

熟地

山藥

枸杞

山茱萸

川牛膝

兔絲子

鹿膠

龜膠

大營煎

見真中類中門

右歸飲

見火症門

右歸丸

熟地

山藥

山萸

枸杞

鹿角膠

兔絲子

杜仲

當歸

肉桂

附子

五福飲

見痿症門

三陰煎

當歸

熟地

炙草

芍藥

棗仁

人參

大補元煎

見火症門

山藥黃 川牛膝